

L Circolo – Lia mostra d'ert de Urtijëi Ve prejënta l cunzert

Hommage a Chick Corea

Andrea Dulbecco: vibrafon y marimba

Alessandro Bianchini: marimba y vibrafon

Marco Micheli: contrabas

Enzo Zirilli: bateria

L cunzert ie n lunesc, ai 19.09.2022 dala 20.30

tla sala mostres dl Circolo a Urtijëi

Ntreda: dunfierta

L quartet che ie formà da cumbinazioni defrèntes cun esperienzes che muda ju danter l stil tlassich, cuntemporann y nce jazz, pieta n sound cun valorisazion prinzipela dl jazz cun pec de mujiga uriginei de uni singul cumèmbler dla grupa.

Sëuraprò ai pec de mujiga uriginei se pieta i musicisc te si prugram n valgun arrangements de pec cris ora dl repertore dl grandissimo pianist che ie mort dan puech, Chick Corea. I arrangements de Corea ie stai cris ora aldò dl'estetica espressiva dl quartet.

La formazion se prejënta cun l vibrafon y la marimba coche strumènc solistics alternativs al tlavir, che se vën adum gën cun la sezion ritmica, bas y bateria.

Ora che ulëi ti vester de unëur al pianista che à nfluenzà y senià la storia dla mujiga dl '900, la vela di arrangements de Corea vën nce dal fat che si cumposizioni ie suvènz unides sunedes y tëutes su cun l vibrafon. Perchèl iel n duvier recurdé la culaborazion de n grumon de ani cun la star dl panorama vibrafonistich mundiel: Gary Burton.

BIOGRAFIES CURTES



Andrea Dulbecco à studià strumènc de percusion cun l profesëur Franco Campioni, stlujan jù cun n diplom dai mascimi voti. Èl à sunà coche percussionista cun ciantarins y te sinfonies talianes de mpurtanza coche l'orchestra dl Teatro alla Scala, Maggio Musicale Fiorentino ecc.. Coche solista y camerista al sunà dant tla majera associazions mujigheles talianes coche la Società del Quartetto, Società dei Concerti, Amici della Musica di Firenze, I.U.C. di Roma ecc. y laurà adum cun solisc cunesciui coche Canino e Ballista, Eliot Fisk, A. Ugorsky, Carlo Bruno. Dulbecco nsënia strumènc de percusion tl Conservatorio "G. Verdi" de Milan.



Alessandro Bianchini stluj ju l biennio superior tla sezion de percusion tl Conservatorio de Trënt cun l mascimo di voti. Èl à cunlaurà cun ngrum de orchestes y festival mujighe coche: l'Orchestra Mozart, il Maggio Musicale Fiorentino, l'Orchestra del Teatro Massimo di Palermo, Orchestra Haydn, il Festival dei Due Mondi di Spoleto, la Biennale di musica di Venezia, i Suoni delle Dolomiti. Al medemo mumènt sonel l vibrafon tl ciamp dl jazz sunsn cunzerc ti festival prinzipei de jazz dla Talia. Tra la cunlaurazions de mpurtanza ie chèles cun Claudio Abbado, Paolo Fresu, Giovanni Sollima, Gilberto Gil, Max Gazzè, M. Luis Bacalov, Andrea Dulbecco.

Bianchini nsënia percusions tl Conservatorio de Mantua.




Marco Micheli arjonj si diplom de contrabas al Conservatorio de Lucca. Tl 1982 iel pert dl grupo de mujiga Ginger Baker coche basista eletrich, sunan te na tournée europea. Doprò val ite cunlaurazions desfrëntes sibe cun l’orchestra dla Rai de Milan che nce cun n valgun musicisc furesc, coche Lee Konitz, Kenny Wheeler, Chet Baker, Mitchel Forman, Cedar Walton, Danilo Perez y autri. Micheli lëura cun grupi y musicisc desfrënc, purtan inant nce ngrum de pruiet de plates de mujiga: “area” cun Patrizio Fariselli y Giulio Capiozzo, Gil Cuppini, Enrico Rava, Gianluigi Trovesi, Enrico Pieranunzi y autri.



Enzo Zirilli ie cunesciù coche un di bateristi/percusionisc plu creativ y da variazion dla ultima generazions tl panorama dla mujiga cuntemporanea nternaziunela. Dal 1990, data de si debut profesciunel, nchina ncuei ie si cunlaurazions diventedes na grandiscima cumpëida, sibe tl ciamp dl Jazz, che tl Pop y dla World Music. Tl 2004 iel jit a sté a Londra, ulache l se à belsnel desmustrà coche un di musicisc plu damandei tla scena Londineja, unian dereviers tla Talia y a Torino (si zità ulache ël ie nasciù), dl 2020 canche l ie nuit cherdà adalerch a nsenië Batteria y Percusion Jazz tl Conservatorio “G.Verdi”. Danter si cunlaurazions plu de mpurtanza ie

dessegur chëles cun Dado Moroni, Enrico Pieranunzi, Jim Mullen, George Garzone, Gilad Atzmon, Tom Harrell, Bob Mintzer, Ian Shaw, Omar Lye Fook, Hamish Stuart, Liane Carroll.



Lia Mostra d’Art - Circolo
Plaza S. Antone 102
I - 39046 Urtijëi (BZ)
Tel. 377-5936350
info@circolo.eu